

Eqaluk

Qallunaatut atia: Fjeldørred (Ørred)

Latiinerisut atia: Salvelinus alpinus


Tuluttut atia: Arctic Char

Sorlernut ilaava: Aalisakkat

Uumasoqatai: Kapisilikkut

Ilaqutai: Kapisillit

ilaqutariit



Eqaluk issittumi tamarmi uumasuuvoq, Europap avannaani, Amerika Avannarlermi Asiallu avannarpasissuani imermi tarajuunngitsormiuulluni. Kalaallit Nunaanni sumi tamani kuunni sinerissallu qanittuarmiuuvoq - allaat avannarpiaani. Eqaluit ilaat angalaartuupput imarmiuut imerni tarajuunngitsuni suffisarlutik, allalli sisujuitsut inuunertik naallugu imermi tarajuunngitsormiuullutik.

Ilisarnaatai

Eqaluup ilisarnaatigai qutummigut, naamigut itimilu kingornani anguutaasa sinai qaqortuugamik. Qalipaataa sölvitut qillertuusinnaavoq qimerlua taarnerusinnaalluni sungaartunik aappaluttunilluunnit milaqarluni naavi sungarpaluttoq qaqortuullutik. Suffinermi nalaani naavi, saneraasa kingornatungaata avaleraasaalu aappaluttuusarput.

Nerisai

Nerisarai aalisakkat, aalisakkat piaraat, siuteqqut, uumasuaqqat isaannarnik takuneqarsinnaanngitsut, peqquit sullernillu qullugiaat.

Paasisutissat

Uumaffii: Imaq

Takissusia: 30-75 cm

Oqimaassusia: 0,3-1,5 kg tikillugu

Suai: 3.000-7.000

Suffisarpoq: Ukiakkut-ukiukkut

Kinguaassiorsinnaanngortarput 8-9-nik

ukioqaleraangamik, 35-40 cm-inik

takissuseqarlutik

Sivisunerpaamik uumasarpoq: Ukiut 24

Nalunngiliuk?

Kalaallit Nunaanni eqaluit

imaaneeriarlutik ukiakkut kuunnut

majortarput ukiulernerani ukiumiluunnit

suffiartorlutik. Piaraat 2-6-nik

ukioqaleraangamik imaanut sisusarput,

imaaniittarlutillu kuunnut uterlutik

suffiartorlutik ukiartorlutillu.